

BE.305. ALE TONDINGKU HEHE MA (Bb=1)

=====

B.E. 305. ALE TONDINGKU HEHE MA

1. Ale tondingku hehe ma Dung salpu haholomon
Ai dipabinsar Debata Muse panondang bolon
Pasohot ma na modom i Ai ingkon pasangaponMi.
Tuhanta na di surgo

2. Di hatiuron lao sude Tumopot ulaonna
Sogot do angka pidong pe Pangiar soarana
Tama do i tiruan ni Saluhut manisia i
Mamuji Debatana.

3. Tatopot ulaonta be Baen sangap di Tuhanta
Sai hehe hita sasude Paboa las rohanta
Mamangke hagagoon i Nilehon ni Tuhanta i
Tu hita saluhutna.

4. Marsorinsorin ari i Sai tading do ulaon
Urupi Jesus hami be Mangalo haotoon
Paringgas hami on sude Mamangke gogonami be.
Dibaen naung sinondangMu.

5. Torang baen rohanami be togu haporseaon
Paserep rohanami pe. Sai lehon roha holong
Tu hami asa tung tanda naung dipatiur
Debata Huhut disunggul hami.

6. O Sondang salelengna i Sai mian dirohangku
Di dalam hatigoran i Papintor ma langkangku
Pasahat au tu huta i Naung dipauli tanganMi .
Soada be na holom